

OMUKWETU

Registered at the General Post Office as a Newspaper

15c



Oshinyanyangidho she mu kundile po

Kaaleshi amuhe, kaayakulwa naayakuli yetu, otatu mu tseyithile mpano, kurya nani nonuumvo kongolo kwa shi. Aniwa sha mana omumvo omasiku. Omumvo sho gu uka pehulilo niilonga wo ayihe oyu uka pehulilo, go nomafudho oga tsima ko nee!

Iilonga yOshinyanyangidho sha ELOK otayi ka fudha po 17.12.82
Otayi ka eguluka ishewe, Kalunga ngele e shi hala 17.01.83

Ngoka ano u na okalonga wa hala ka kale ka pita manga ekolamumvo inaali ya, shi ninga moompadhi oontalala, ngele hasho ethimbo oto ke li enda komushila.

Omayakulo galwe ngaashi Ositolamambo, ombelewa yOmukwetu, otaga kala ge egulukila ayehe ethimbo alihe, kakele kuuthimbo womayalulo nomathimbo gOkrimesa nOmumvo Omupe, ngo tatu gu mu halele amuhemuhe aaholike.

Tangi sho mwi idhidhimikile uuhethi, uunyengwi nomausama getu moku mu yakula methimbo tali ka londongela. Kalunga ne mu yambeke narango.

Oshinyanyangidho nOsitolamambo oye mu kundile po ngawo.

M. Amkongo
Peha Iyaayakuli yeni mehala ndi.

~~~~~  
Eshi osho oshifo shoye shaxuuninwa 1982. Otwe lineekela, owa li wa yolo, wa nyika oluhodi, wa limbililwa, wa tuwa omukumo nowa kanghwa kwaasho washakeneka mokulesha kwoye.

Punikilwa Okrimesa nOmudo Omupe,  
Inga tu shakeneni kOmulonga.  
Amushanga

~~~~~

Ohole tayi gandja ashihe

.....Oshoka ohole yaKalunga oya tililwa moomwenyo dhetu kOmbepo Ondjapuki twe mu pewa. Rom.5:5

Okukala omukriste otashi ti okutaamba ohole yaKalunga. Kalunga okuhole antu ayehe. Kee hole ashike ngoka i ilongela ohole ye aawe. Oshoka ngele oshali ngaaka, nena ando kapu na we nando gumwe ta mono ohole ndjoka ya Kalunga.

Kalunga okuhole uuyuni mboka wu mu tonde nowa punduka. Ohole ndjoka yi hole uuyuni wa tya ngaaka, oyo ya tiliwa moomwenyo dhetu, nenge oyo Kalunga a hala okutilila mutse.

Ohole ayike tayi vulu okupatulula iiyelo ya pata. Ihe mokwaa na cidhidhimoko neulumo lyaa fele, otayi edhile po omiyelo adhihe, nokaku na nando gumwe ta vulu okupatulula mo momutima.

Ohapu oya ti; ohole oya tililwa moomwenyo dhetu. Shoka tashi tililwa, ndishi osho oshindji? Ohole yaKalunga oyu udha ya fa efuta. Kayi shi nando omata ngaashi eta lyomuti meho.

Muyo oto vulu okuteka mo noitamu pu. Nashi kale sha yela kutya ngele otu hole yakwetu kashona nenge Kalunga, nena itashi ti kutya osho Kalunga a hala okutu pa ngaaka kashona.

Ihe otashi ti owala kutya otwa gandja kuye ehala eshona lyowala lyokutaamba ohole ye. Kalunga ite tu yugu ano koonkondo ehala, opo a tilile mo ohole ye. Ye otu udhitha ashike ehala ndyoka tse tatu mu pitikile.

Tu tye omunashilonga meyakulo lye, otashi vulika a gandje ehala olindji kii-

- Tala kep. 7

Ekundo lyaKrismesa nolyOmumvo Omupe

Lya gandjwa komumbisofi gwa ELOK, Dr. Kleopas Dumeni

Ongame negumbo lyandje, otwa hala okulongela Omuwa Jos. 24:15

Lya gandjwa komumbisofi gwa ELOK
Dr. Kleopas Dumeni

Ongame negumbo lyandje, otwa hala okulongela Omuwa." Jos.24:15.

Etumwalaka lyandje kwaayehe, omolwo-krismesa nOmumvo Omupe, oyo ohapu ndhoka dhi li oshipalanyolo shOngeleki 1983, ngaashi dha tumbulwa pombanda.

Sho tandi tala iwanima, ondi lwete omumvo 1982 gu li pokuhula. Ogwa li omumvo gwomaudhigu omanene. ihe ogwa kala wo gu udhilila omayameko o-gendji.

Omaudhigu

Ookuume oyendji ya yi kekululuko lyaa-na yaKalunga muukwaaluhe. Omaso gawo oga li ngaashi twe shi uyu; kuuvu, kii-ponga yoomboma, omadhipago nosho tuu.

Otandi halele ayehe, nando omaudhigu nomaluhodhi ogendji, opo tu pewe enyan-nyu lyaKrismesa, "Mwa valelwa Omukulili," Oye ngoka e na omwenyo nota yu-mudha aasi okoinkondo dhe tadhi vuli-kicha ayihe kuye.

Eudho lyomayambeko

Kalunga okwe tu yambeke nomayambeko ogendji nomanene wo muule womumvo 1982. Okuume yamwe ya aluka komavu, aanona oyendji ya valwa 1982, oonkwa-twa yamwe ya mangelulwa, evangeli lyu uvithwa mOosoondaha, momaluhodhi twa kala pamwe nokukolekathana, mo-manyanyu osho wo.

Oshinyanyangidho she egululilwa iilonga yasho. Otwa mono ookuume ye tu talele



Omumbisofi Dr K. Dumeni

po, aagalikaneni yetu oyendji. Omago-ngalo oga kondjo nando omuudhigu.

Omasakramendi oga topolwa palongo lya-Jesus mwene, aayakuli oya kalele ii-longayakulo yawo methimbo edhigu. Oosikola odha longo iilonga yadho sigo opehulilo.

Ayihe mbyoka iikwawo inayi tumbulwa, oyo onzapo kutya omumvo 1982 ogwa zala wo omumvo gwomayambeko oge-ndji nomanene. Kalunga okwa kala shi-li oshiholameno shetu nekwatho muu-dhigu.

Shika otashi koleke citaalo lyetu, moku-nyanyukilwa "Immanuel" ndyoka tali ti Kalunga pamwe natse.

Tala kep. 4

Tu ligameneni kOmumvo 1983

Omumvo 1983, ogwo omumvo gwehambelelo. Otatu ka dhana petameko lela lyomumvo ngoka oshituthihamblelo mokudhimbulukwa evalo lyOngeleki Onkwa-evangeli paLuther yomOwambokavango.

Omumvo 1983, esiku etihamano lyaJanuali, aapagani yahamano ya valelwa mowwenyo gwaaluhe, sho ya shashelwa medhina lyaKalunga He nolyOmwana nolyOmbepo Ondjapuki pOmulonga mOndonga.



Yamwe yomaashashwa yotango pOmulonga

Opo mpaka Ongeleki yetu ya tameke. Onke tatu ka gongala eti 5 sigo 6.1.1983, pOmulonga, pehala mpoka pwa shashelwa aakriste yotango.

Okuza mesiku ndyoka sho ya shashelwe, sigo 6.1.1983, otapu ka kala pwa pita oomvula 100. Metumwalaka ndika, otandi mu hiya amuhe koshituthihamblelo:

"Ileni tu hambeleleni Omuwa, oshoka oye omwanawa, nesilohenda lye ohali kala aluhe nuudhiginini we koluvalo nolualo. Ps.100.

Omumvo 1983 otwa hala okutula omuthindo *kokulongela Omuwa*. Ogwo omumvo gwepapudhuko mokulonga etumo (Mission Action).

Otwa hala aapagani oyendji, palwe wo ya shashwe ngaashi sha ningwa mokati ketu. Ekundo lyandje olyo ndika kutya, tu hempululeni:

"Ongame negumbo lyandje otwa hala okulongela Omuwa."

Tu shi tule shili miilonga tseni atuheni. Tu longele Omuwa nomaithano getu nonaashihe shetu.

Mokulongela Omuwa otu na eitaalo lya kola wo kutya Kalunga wo ote ke tu kondjela. Nomuudhigu wonkalo yoshilongo shetu, otu na eitaalo kutya Kalunga ketu ote ke shi mangulula.

"Aawe, inamu tila, ikoleleleni, one otamu ka mona ko Omuwa nkene te mu kwatha ekwatho Omuwa ote mu kondjele, one omu na okumwena thilu."
2Mos.14:13,14.

Ekwatelokumwe

Ekundo lyaKrismesa nolyOmumvo Omupe, otandi li hulitha ngeyi:

Pindj'uuymi pindjala, Ku na sho to vulu. Mbili ndjo yaKrismesa, Tu yi na yegulu.

"Esimano lyaKalunga mokombandambanda nOmbili kombanda yevi maantu e ya hokwa." Luk.2:14.

"Nombili yaKalunga ndjoka yi vule uunongo auhe, otayi gamenene oomwenyo dheni nomadhiladhilo geni muKristus Jesus Ef.4:7 nomomumvo 1983 nosigo aluhe.

MONDJALULAMASIKU 1983

Omadina ovafita vavali mu ELOK, okwa dimbulukiwa kutya okwa dimbuwa okutulwa meshikulafano mOndjalulamasiku yomudo 1983: Jason Haufiku, Engela naElia Nghikembwa, ou te lihongo kuAmerika.

Natango tuu vali omafiku a xuunimwa aFebuluali, okwa pingafana. Ngenge to lesaha, fiyo efiku eti 19 olo alike li li meshikulafano. Omafiku makwao aeshe a shikula ko okwa pilaulwa mumwe.

Onkundana onene

Inapu pita ethimbo ele sho twa lesa moshifo shOmukwetu oshinyolwa sha hokolola onkatu ompe yomoshilonga shetumo lyomuSenegal. Oshinyolwa osha li shi na oshipalanyolo "Onkundana ondhigu"

Ngele tatu tala oshinima shika kombinga yimwe, otu uvite kutya, osho oshidhigu, itashi tu nyanyudha. Ihe ngele tatu shi tala kombinga yi ili, otatu dhimbulula kutya, onkundana otayi popi oshilonga oshinene tashi tu nyanyudha.

Onda pewa ompito yokukala moshigongi shElongeleki lya ELOK, muJuni ngomukalelipo gwEhanganotumo lyaSoomi (ETS). Moshigongi moka omwa kundathanwa uukomeho woshilonga shetumo muSenegal.

Onke nda hala oku mu kunda mOmukwetu. ne aasita yomu ELOK nookuume yalwe yEtumo.

Endhindhiliko iyezopo

Ehanganotumo lyaSoomi sho lya tameke oshilonga muSenegal omumvo 1974, otwa tameke mbala okukundathana ompumbwe yokulonga pamwe nOngeleki yimwe onkwaLuther muAfrika, moshilonga tuu shika.

Kutse osha li oshipu okutaalela tango ku ELOK, hoka kwa kala ookuume ketu oy ndji aasimankwa noku ya indila, ye ye pamwe natse moshilongatumo muSenegal.

ELOK okwa zimine. Naashoka sha landula osho ombapila yeuvathano pokati ka ELOK nEhanganotumo lyaSoomi. Oya li ya nyolwa pafupi, inaayi gwana.

Euvathano ndyoka olya dhiladhilwa li kale endhindhiliko iyezopo, okulonga pamwe ku wape okutamekwa.

Pethimbo ndyoka nokuli otwa li tu uvite kutya, mbala otapu ka pumbiwa euvathano epe li vule ndyoka lyotango, li fatulule nawa iilonga niinakugwanithwa nuulilepo woombinga adhihe mbali.

Oshilonga tashi imi iimati

Ngashingeyi otu li po twa longo pamwe omimvo dhimwe nokuli. Nge tatu tala lwanima, tangotango otatu dhimbulula eendelelo lyehumokomeho lyoshilonga; sha koko noshi imi iiyimati yi vule mbyoka twe yi tegelele nenge twe yi yaguma omimvo ndhoka 1975-1976.

Olupitapita moshilonga oshipe shetumo tamu monika iiyimati ya fa mbyoka twa wapa oku yi nya-

nyukilwa muSenegal. Iiyimati oya holoka mbala.

Omambo gamwe gOmbimbeli, oga lundululwa nokuli. Aantu oyendji oya longwa okulesha. Osikola yOmbimbeli otayi tsikile oshilonga shayo.

Ompangela yokusila uundjolowele waantu oshimpwiyu, oya ningwa. Osho wo ompangela yoshilonga shuuhaku.

Oshilonga mokati kaagundjuka niilonga iikwawo yomomagongalo, nosho wo omalundululo goma-mbo gopakriste, mbika ayihe iinima hayi nyanyudha omuyenda kehe ta talele po epyatumo lyomuSenegal.



Dr. H. Smedjebacka sho a talele po ELOK 1978 manga e li amushanga gwEtumo

Nge tatu kambadhala okutala konakuyiwa, otatu mono nkene Ongeleki yomuSenegal kutya otayi ka koka mbala nokumona olupe lwayo. Ethaneko lyompango yotango yOngeleki, opo li li nokuli.

Masiku muSenegal otamu ka kala Ongeleki onshona onkwaLuther, ihe Ongeleki tayi koko. Eholoko lyOngeleki yAasenegal yoyene, otali thiminike omatumo omakwiilongo, ELOK nolya ETS, okutalulula iilonga yago nehalo lyago.

Shika otashi ti wo, euvathano lyonale inali gwana we. Ethimbo epe lyehumokomeho otali pula omatokolo omape, oshilonga shi uke lwokethikilo.

ONKATU YOTANGO YOMELONGELOKUMWE

Onkatu ompe yomokulonga kumwe kwa ELOK na ETS, otayi ti ngiini? Omumvo 1974, petameko lyo-

Tala kep. 6

Dha za kep. 5

shilonga opwa talwa kutya, ihwepo okulandula manga omautho ga ETS miinima oyindji.

Osho ngevi naatumwa yaELOK wo, oya li ve na okulandula omatokolo ga zi kuHelsinki. ELOK nElelongeleki lye oya li kaye na unene ompito yokutholoma eashilonga shomuSenegal.

Omagongalo ga ELOK, nago wo oga nyengwa okulandula ashihe shoka sha ningwa kuSenegal. Unene kombinga yiimaliwa mbyoka ya pumbiwa moshilonga shoka sha koko mbala.

Ehanganotumo lyaSoomi, olo alike lya li li na ontseyo. Ihe nando ongeyi, meuvathano lyelongelokumwe, omwa nyolwa kutya, oshilonga shika oshi na aanashimpiyu yaali, ELOK na ETS:

Onkundana yenyanyu

Oshinima oshipe shoka sha kundathanwa moshigongi snElelongeleki lya ELOK muJuni, osho okulonga kumwe kwokomeho. Omimvo dha piti kombinga ya ETS, okwa tumbulwa olwindji kutya, moshilonga shetumo, ELOK oku na okumona eha lyoopalela Ongeleki yi na eipangelo.

Sigo oompaka oshindjishindji osha ningwa une-



Etokolo olo la ningwa moubelewa yEtumo laSoomi, kutya Ongeleki keshe nai humbate eemhumbwe dovatumwa vayo, osho sha fininika Ongeleki ya ELOK i ifane ko ovatumwa vayo kuSenegal.

Osheshi okuhumbata eemhumbwe dovatumwa, oshinima tashi pumbwa elongekido la pama. Ewillkongudu lEtumo apa ola ninga hano omudo 1983, u kale omudo weillongekido.

Oku na yo paife ovakriste vahapu apa tave lipula ngeenge Etumo la ELOK nafi ka twikite tun vali natango kuSenegal. Ashike Etumo laSoomi nande le ilkanyuna eemhumbwe dovatumwa va ELOK kuSenegal, olo ngo la humbata natango oshilonga shetumo muAngola.

ne pahalo lya ETS nopamautho ge. ctaneko epe otali ti, eipangelo neiutho nayi kale ya topolwa nawa pokati ka ELOK na ETS.

Inapu kala ombinga yimwe tayi kwatelelwa konkwawo. Otatu kondjo pu holoke elongelokumwe lyaamboka ye thike pamwe. Otwa tseya kutya, shoka itashi vulu okuholoka ngepathimo lyeho. Ashike otwiitaala kutya elalakano ndika olyopahalo lyaKalunga.

Onkatu ompe yomehistoli lyetumo lyomuSenegal, otayi pula uulile po uupe nehukumomeho lyomokugongela iiniwe tayi pumbiwa, nosho wo uuthemba u vule wonale wokutokola miinima yoshilonga.

Esiku limwe edhiladhilo ndika inali igiliwa manga notali talwa olo edhigu. Ihe shoka tashi tu pethitha notashi tu nyanyudha notashi tu tsu omukummo, ompito yokukala aalongi pamwe na Kalunga moshilonga shetumo.

Oshilonga oshe, oye mwene ohe shi wilike nohe shi yambeke. Onkundana onene yenyanyu oyo ndjika.

Onda hala okuhulitha ekundo ndika lyandje ku ELOK noku mu pandulila elongelokumwe lya longwa muSenegal sigo oompaka. Epandulo lyandje olya zi muule womutima gwandje.

Otandi tegelele elongelokumwe lyokomeho wo ndyoka tali ka mona omalupe gamwe omape, li hume nawa komeho. Otandi galikana, tse tu wape okulonga nawa pamwe, oyo aantu oyendji yomuSenegal yi ilonge okutseya Jesus Kristus Omukulli nOmwa gwawo.

Kalunga na yambeke oompangela dha ELOK dhokutskila oshilonga shetumo muSenegal. Oye ne tu wilike, tseni atuheni. Ehalo lye li gwanithwe muSenegal ngaashi hali gwanithwa megulu.

Nomakundilo gombili nomahaleloyambeko ogeyndji ku ELOK, koshilonga she nokitilyo ye ayihe.

Henrik Smedjebacka

Eshi omesho ange a pange muIsrael

ETWIKILO

Moshifo shOmukwetu N0. 17/1982 me-pandja etitatu, omwa holokele oshipa-lanyole shi li pombada noshinyolwa o-sha li sha xulifwa netumbulo; taku twi-kilwa.

Ombili eshi twa pitifa po efimbo lile inatu twikila ko

Ediva laBetesda

Ediva laBetesda, otali monika fiyo onena mu-Jerusalem, nande eenduda nhano itadi monika vali. Opediva eli, Omwene ta monika omundoho-tola washili.

Omwene okwa kufa oshingudu shinya mokati ko-vaveli vakwao, kutya omolwashike ohatu kumwa ashike. Otashi dulika kutya omunhu winya, kali ashike omunaudu wefimbo lile palutu.

Omwenyo waye yo shiimba owa li tau velukwa koulunde. Eshi ohatu shi dimbulukwa mee-ndjovo daJesus; Tala, owa veluka, ndele ino nyo-na vali, uha hangike kowii u dule winya. Joh.5:14.

Omwene okwa hala tu mu twaalele omauvela etu, fye nohatu pewa eveluko. Ngeenge twa alulilwa oondjolowele, ohatu ka mona oikumwifalanga yaye.

Tabgha

Onhele ei otai monika popepi nefuta laGalilea. Okwa itavelwa kutya, opo Omwene okwa hapupa-lifila omingome neeshi. Oshiningwanima eshi osha holola ohole yaJesus, okuyakula omunhu.

Okwa hala yo ovaendi meemhadi daye nonena va makele oshili ei — ekwafo laye newiliko laye na-nde katu shi wete. Ote tu lombwele: "Yandjeni, nanye yo otamu ka pewa.

Mefimbo loulumbu nondjala, oye ekwafo la shili. Ota yandje eendja kovafindjala. Omwene tu popi-la kondjala nokoulumbu. Mat.14:15-21.

Omhunda yeyellfo (Tabor)

Omhunda ei, oimwe yomeemhunda odo dile mu-Israel lonena. Penya olutu lwOmwene okwa tiwa kutya ola lunduluka moipafi yovahongwa vaye. Oshipala shaye osha vema ngaashi etango ...

Oshiningwanima eshi osha tetekela ondjila yaye youyehame, oyo ye mu twala fiyo omeftyo lokomu-shiakano. Ponhele ei Omukulili a djalekwa ou-penda neenghono dokufinda omilaulu.

Omukumo momahepeko, omolwouyuki, otau eta evadimo neyelifo lopaukalunga, nosho ngaho efi-mano laKalunga tali tandavelifwa.

Kalunga ketu ota hafe okushitululila omahodi etu mehafo noku tu pa efimano lomuye.

OHOLE TAYI GANDJA ASHIHE

Dha za kep. 2

mpwiyu yilwe, mbyoka tayi mu pe a ka-le e na elalakano li ili lyaashi lyomuyaku-li gwaKalunga.

Ohatu gandja ehala olindji kushoka shuu-wanawa wetu yene, nomukwetu gulwe ita gwana mo we mohole yetu. Jesus ina kala ashike kee na ehala muBetlehem uusiku waKrismesa, ihe sigo onena uuyuni, otau mu tindile ehala.

Ohole ndjoka yaKalunga, oye mu pula uuwehame owindji. Nokape na gumwe ta pewa ohole ndjoka, ngele ina tseyu uu-wehame nomahepeko. Ethimbo ndika Ongeleki yetu mumwe noshilonga she-yakulo lyayo, oya mono omaehameko.

Aanashilonga yamwe ya yugwa omaliko noomwenyo, yamwe iilonga niilongitho yawo ya halakanithwa po nokuli. Otashi vulika gumwe a dhiladhile kutya onawa pehala ndyoka pwaa tsikilwe we manga.

Ihe ompumbwe yaantu otayi thiminike sho ya pumbwa eyakulwo nomuyakuli pe-hala lya tya ngaaka, okwa li e na okutaa-mba uuwehame mboka meyakulo lye. Omuyapostoli Paulus ota ti:
Ohole otayi tu thiminike,

Pethimbo ndika oshigwana oshi li me-pupyu enene lyiita nuuvu. Noyendji yo-maayakuli otaa yoolola ihe kutya mpaka ote vulu okulonga, mpeyaka itandi vulu nando.

Ohole ndjoka yaKalunga ta titile mutse,

Tala kep. 7



Ohole tayi gandja

Dha za kep. 7

oyo ohole yomokuhepekwa. Okuhepa pamwe noshigwana nenge okuhepa peha lyasho. Tu gandjeni ehala lya gwana ku-Kalunga a tilile mo ohole ye.

Ohole yaKalunga otayi gandja ashihe, oya gandja Omwana Jesus. NaJesus omlwohole ye okwa gandja omwenyo gwe gu ninge ofuto yoondjo dheru.

Festus Ashipala



ONDJAMBI YEKOKOLO POMUTHIYAGWIIPUNDI

Aagundjuka ye vule 150 moshitayingeleki shOndonga, oya zile koombinga adhihe dhoshitayi, e taa ponokele epya lyOmisioni yOmuthiyagwiipundi.

Elalakano lyokukokola epya lyomisioni ndjoka. Aayelege yaampoka ya dheulilwe wo ilonga yepya naakali yomehala ndyoka ayehe, ya kale ye na sha shokwiipalutha yoyene.

Omahala ogendji tapu longwa oshilonga shetumo muuzilo wOndonga, opwa kokolwa omapya ga tya ngeyi, okuyambidhidha ekwatho ndyoka hali zi momagongalo.

Etokolo shika shi ningwe, olya zile moshigongi shaagundjuka shokomumvo mOlukonda nuumvo muduli.

Menyanu enene lyoondjimbo tadhi kolokwa, aagundjuka oya fulu mepya ndika iithindi, ya tete iihwa yo yamwe taa gumbu enkolo.

Oyendji ya faalele ikulya yawo yene ngaashi Aashitayi mboka ya fala ko omathona gaali omnene okulya onyama.

Otandi pandula omagongalo ngoka 16 ga holoka noga holola eitaalo lyago milonga. Omagongalo ngoka inaaga holoka molufo nduka, otaga tseyithilwa kutya ilonga oko yi li natango. Shidhigu iha nyenge mwene.

Otandi pandula aasita naapangi ya kala pamwe naagundjuka meyakulo ndika noku ya kwatha mewiliko.

Omuyevangeliste gwaagundjuka moshitayi shOndonga.

Gottlieb Manye

OMUKWETU

Oye oshifo shOngeleki Onkwaevangeli paLuther yomOwambokavango.

Ohashi nyanyangidhwa mOniipa.

Omukuluntu gwoshifo omumbisofi dr. Kleopas Damenl.

Amushanga gwoshifo omusia Sebulon Ekandjo

Ondando yoshifo komumvo muAfrika alibe R2,60. Kombanda yomafuta R5, 00, --ondhila R6, 24.

Oondando nomambestelo agehe naga tumwe kOmukwetu, Oniipa, P.Bag 2013, Ondangwa, 9000

EV. LUTH. OWAMBOKAVANGO CHURCH PRESS
PRIVATE BAG 2013, ONDANGWA 9000 SWA/NAMIBIA